



21. august 2009

UKA 2009/67

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

Inatsisartut 2009-mi ukiakkut ataatsimiinerat aallarnerfigalugu Namminersorlutik Oqartussat ingerlatseqatigiiffiutaasa aammalu ingerlatseqatigiiffiit pigineqataaffigisaasa aningaasatigut ingerlanneqarneri taamatuttaaq ingerlatseqatigiiffiit ataasiakkaat ineriartortinneqarneri pillugit aammalu pissuisusut tunngavigalugit Naalackersuisut iliuuseriniakkatik ilanngullugit Inatsisartunut ukiumoortumik nassuiaasalernissaat pillugu Inatsisartut aalajangiiffigisassaattut siunnersuut.

(ATASSUT-ip Inatsisartuni ilaasortaataitai: Finn Karlsen, Siverth K. Heilmann, Knud Kristiansen)

Tunngavilersuut:

Inatsisartut 2007-mi ukiakkut ataatsimiinneranni ATASSUT-mit siunnersuutip matuma assinganik saqqummiussinikuuvugut, inuiaqatigiittullu unammisassagut annertoorsuit innersuussutigalugit aammalu innersuussutigalugu inuiaqatigiit aningaasarsiornikkut patajaatsumik ingerlanneqarnissaannik pisariaqartitsineq, isumaqarpugut iliuusissatut siunnersuutigineqartut matumani siunnersuummi ujartorneqartut suli pisariaqartinneqartut.

Ingerlatseqatigiiffiit Namminersornerullutik Oqartussat pigisaasa pigineqatigiiffigisaasaluunniit ilaatigut aningaasaliinerliorujussuortoqarsimanerata kingunerisaanik amigartoorujussuarnerit matussuserneqarnissaannut allaallumi ingerlatseqatigiiffiit ilaasa ingerlaannarnissaat qulakkeerniarlugu immikkut ittumik Inatsisartut arlaleriarlutik millionilikkaanik aningaasaliisariaqartarsimapput.

Nalunngikkaluarlugu ingerlatseqatigiiffiit pineqartut ukiup affakkartumik aammalu ukiumoortumik naatsorsuutinik pisortatigoortumik saqqummiussisussaataitasut aammalu nalunngikkaluarlutigu Inatsisartut Aningaasaqarnermut Ataatsimiititaliaat ingerlatseqatigiiffiit pillugit paasisutissanik aalaakkaasuunngitsumik tunineqartartut, ATASSUT-mit isumaqarpugut ingerlatseqatigiiffiit pillugit taakkulu Namminersornerullutik Oqartussat sinnerlugit naalackersuinikkut iliuuseqarfigineqarnissaannik pilersaarutit pillugit Inatsisartut tamakkiisumik paasisutissinneqarnissaminnut pisinnaatitaaffeqartariaqartut.

Eqqaamasariaqarparput Namminersornerullutik Oqartussat ingerlatseqatigiiffiutaani piginnittuuneq Naalackersuisunit Inatsisartunut akisussaassusilimmik ingerlanneqartussaammata. Tamatuma kingunerisaanik piginnittuunermi periutsit aammalu ingerlatseqatigiiffiit tamakkiisumik niuernikkut pilersaarutaat tunngavigalugit piginnittut iliuuseriniakkat pillugit Inatsisartunit pisinnaatitsissummik peqarnissartik Naalackersuisut qulakkeersimasariaqarpaat.

ATASSUT-mit ilisimalluinnarparput niuernikkut unammilleqatigiinnikkullu mianerisassat matumani kalluarneqartussaannigitsut, matumanilu ukiumoortumik nassuiaatit pineqartut



~~tamakkiisumik ilaannakortumilluunniit matoqqasumik Inatsisartunit suliarineqartarnissaat aaqqiissutaasinnaavoq.~~

Taamatut ATASSUT-mit tunngavilersuuteqarluta matumuuna siunnersuutigaarput Inatsisartut 2008-mi ukiakkut ataatsimiinerat aallarnerfigalugu Namminersornerullutik Oqartussat ingerlatseqatigiiffiutaasa aammalu ingerlatseqatigiiffiit piginneqataaffigisaasa aningaasatigut ingerlanneqarneri taamatuttaaq ingerlatseqatigiiffiit ataasiakkaat ineriartortinneqarneri pillugit aammalu pissuisusut tunngavigalugit Naalakkersuisut iliuuseriniakkatik ilanngullugit Inatsisartunut ukiumoortumik nassuiaasalernissaat pillugu Inatsisartut aalajangiissasut.